

اداره خاھی :
بایزید جامع شریفی تربہ قاپیسی
قارشیسندہ

اسلامك نفعنه خادم مقالات
مع التشكر قبول ونشر اولونور

يا زانك شخصيتي دكل، يازينك اهميتي
نظر دقتہ آلفير .

کلن یازیلردن شایان قبول کورولنلر
تاههخ صیراسیله درج ایدیلیر ..

مجلس ۱۰۰

کوندہ ریلہ جک آثار، او قوناقلی
و مختصر جہ یازلمش، اولمالیدر.

صاحبی، مدیری، محردی :

حالا

245

01

مورمون دینی و تعداد زوجاتنه دأر

۱

مملکت مزده تعداد زوجات له وعلپنده آراسیره پارلایوب سونن مناقشه لر مناسبتیه مورمونلرک حیاته دأر شوقیسه معلوماتی محفلی اوقویانلره تقدیم ایدیورم :

جاهیر متحده آمریکا بر قانونه تعداد زوجاتی منع ایتدیکی کی متعدد الزوجه اولانلری ده هر هانکی دولتک تبعه سی اولورسه اولسون حدودی ایچنه آلامقده در . بوکا رغماً مملکتک تا کو بکنده تعداد زوجات اساسی اوزرینه مستند بر دین وجود بولاش و (مورمون) تسمیه ایدیلن افرادی چوغالوب اطرافه یاییلمشدر . ۱۸۳۰ سنه سی آلتی نیساننده (ژوزف سمیت) طرفندن تأسیس ایدیلن بودین (؟) اون اوج سنه ظرفده ۱۵۰۰۰۰ کیشی طوپلامش و بر قچ سنه صوکرده اعضاسی یاریم میلیونی کچمشدر . polythéiste اولان مورمون دینجه تعداد زوجات سلامت بشر ایچون لازمدر : [تعداد زوجاتدن دوغان عیسی کندیسی ده متعدد الزوجات اولدی : قانا دوکونلری ، کندی ذوکونلری ، ماری Marie ومارت Marthe کندی قادینلری ایدی . و بصورتله انسانلره امر اولنان قانونی رینه کتیرمه و چارمیخه چکیلیمه دن اول کندینه بر نسل خلقنه موفق اولدی . (مورمون دینه دأر اولان بوسطرنلرک مالی کندی اعتقادلریدر . قارئلرجه اوقونماسی پک کولونج بیانات وارسه ده اصلنه مطابق قالمق ایچون عیناً نقل ایتدم .)

مورمونلرده عقد ازدواج اوج شکلده یا بلقده در : یریوزنده ازدواج ، سماوی حیات ایچون ازدواج ، هرایکسی ایچون ازدواج . بالنتیجه بر قادین ایکی ارککه اولنه بیلیر : بری یا شادیغی قوجه سی ، دیگر کی آخرنده یا شایه جفی ارکک . یر یوزنده تعداد

زوجاتده بولونمایانلرک جزادن خلاص اولمالرینه آخرت ایچون ازدواج کفایت ایدر . دوکونلری ایکی تورلودر :

۱ — ایلک ازدواج ایسه مراسم ، طبقی بر پروتستان ازدواجی کی اولور .

۲ — اگر ارکک اولی ایسه قیزی ایسته مه دن اول ایلک قاریسنگ رضاسی ، صوکره کلیسا باش رئیسنگ اذتی ونهایت آلاجنی قیزک ابوینسنگ مساعده سی آلامیه مجبوردر . ایلک قادین رضا کوسترمیوب ردایدیسه سبیلرینی مورمون کلیساسی ریاستنه آلاکلامغه مجبوردر . سبیلر جدی کوریلیرسه ارکک اولنمکدن منع ایدیلیر ، فقط اهمیتسز عد اولنورسه ایلک خانمک عدم قبولی نظر اعتباره آلاماز ، ارکک ده قلیسنگ سجدیکله اولنیر .

بر قچ قاریلی مورمون ، بوتون خانملرینک استراحت و سعادتنه باقغه مجبوردر . دائماً صتی بر عدالت و بی طرفلقه حرکت مجبوردر . اورتاق خانملر بر برلرینی قردهش بیلیرلر . مع مافیه ایلک خانم کرک دنیا حیاتنده ، کرک آخرت حیاتنده دیگرلرینه فائق عد اولنور . بونکچون بوتون مورمون قیزلری هب برارککک ایلک خانمی اولمق ایستلر . هر مورمون قادینی قوجه سنک دیگر خانملردن اولان چوجوقلرینی محبت و شفقتله سومکه مجبوردر ، چوجوقلر کندی آننه لرینه آننه ، دیگرلرده تیزه دیرلر ، مورمونلرده آننه وقیزی ، بر آنادن ویا بر بابادن اولاش قیز قردهش بر ارککه تزویج اولونه بیلیر .

مورمونلرده « توکیل » ده واردر . بر ارکک ایش ویا وظیفه ایجابی بر قچ سنه اوزاغه کیتدیمی بعضاً اون ایکی به واران زوجلرینی یالکز بیراقش اولیور . بصورتله چوجوق تولداتنه امکان قالمیور . اولادسزلق ایسه ابدیته قدر سوزده جک شان و شرفک

آزالماسنه سنب اوليور. چونكه بر انسان آخرتده كي حياتي چوجوقلرينك عددينه كوره يوكسه لته بيلير. بوكاده چاره نامه جود قوتك موجود ايكن ياپديني وظيفه لري ايفايه مأمور بروكيل تعيينيدر! بوضورتله برچوق چوجوق قدمناهده عالم اولميدر. بوحركتك مشروعتني! شوضورتله اثبات ايديورلر: «مادامكه اولوم موقت بر آريلقدر، موقت بر آريلقده اولومه معادلر. اولوم اولنجه طوللرله اولمك برجنایت دكل، بالعكس پك مناسب وموافق اولان برشيدر. بناء عليه آريلق زمانلرندهده مسئله وفات وقوعنده كي قدر مشروع و صوك درجه فايداليدر.» (؟) اولمكه بوقدر تشنه اولان مورمونلرده قادينك عادت وكبه لك زمانلرنده يانته ياقلاشمق صوك درجه ممنوع ومردوددر. بوضورت حركت هم قادين، هم چوجوق ايچون خيري عد اولونمقده و بر قادينك نسويتنه حرمت ده لايق صاييلمقدهدر. مورمونلرك حياتي شوضورتله كچمكده ایدی. ایدی ديورز. چونكه حكومت تعدد زوجاتي منع ايتديكندن صوك زمانلرده رسماً متعدد الزوجهيم ديهن كيمسه يوقدر. مورمون اوچ شكلده حياتي كچيريوردی:

۱ — بوتون قادينلر بر اوده، قوجهده آيري بر اوده. حرمدين ايسته ديكي قادينی چاغيريوردی. سياحته چيقارسه، خسته اولورسه ايسته ديكنی يانته آيوردی.

۳ — ينه بوتون خانملر عيني چاتي آلتنده، قوجهده اورتالرنده ياشاردی. بوك چوق مستعمل شكلدر. عمومي حيات هپ بر آراده اولوب ساده هر قادينك خصوصي ياتاق اوداسی بولمقده، قوجهده صيره ايله هپسني زيارت ايتمكدهدر.

۲ — هر قادينك خصوصي اوی بولمقده، قوجهده ۲۴ ساعتی صيره ايله بر اوه حصر ايتمكدهدر.

تعدد زوجات قانونله منع ايدلمسنه رنمأمورمون قادينلري صميمي اولارق تعدد زوجات فكر وذهنيتته صادق قالمشدر. مورمونلرده تساند، شفقت، عدالت، معاونت پك ايلرله مشدر. بربرلرينه يارديمه هرفردك اوصاف وخواصك اعظمی استحصاله چالشمقدهدرلر. وارداتلرينك يوزده اونتي صدقه اولارق عمومي قاصيه ويرمكده. درلر. بوضورتله سفالي كوكندن قالدیرمايه موفق اولمشدر. غوغا واختلافلريني حكمه مراجعتله ممكن اولديني قدر اوافق واهميتسز شكاه صوقارلر. بووظيفه يي كندی مجلس عاليلري بلااجرت ايفا ايدر. مورمون صلحپرور، ناموسلي، جدی وچالشقاندر. مورمونلرده نه ديلنجي، نه مسكين، نه سرخوش، نه ده ايشسز كيمسه كورولمه مشدر. بر كيمسه ايشسز قالسه ديني تشكيلات همان ايش ويرمكده ومقابلي عيني ايله اوده تمكده، زنكينلر فقيرلره يارديم ايتمكدهدر. چالشمق هر مورمون ايچون ديني بر مجبوريتر. مورمونلر بوضورتله اك ذكي واك موفقيتلي ايش آدملي اولمقدهدرلر. مورمونلري كيدوب كورن آوروپالير اخلاق وعادتلريني مدح وستايشدن كنديلريني آلاماقدهدرلر. جمهوريتلر حكومتي (يعني واشينغتون) قانوني اصدار ايتمدين مورمونلرك ياشادقلى مملكتلرده نه فحش، نه ايچكي واردی، نه ده قارخانه موجود ایدی. بوكون بيله مورمونلرك اكثريتده بولندقلى يرلر اخلاقه ديكر يرلردن ده يوكسه كدر. ذاتاً مورمونلر بومديت لوازمه قارشى شدتله مجادله وممانعت ايتمكدهدرلر.

تعدد زوجاتك تطيقي، ايمانلري صميمي ودرين اولان مورمونلرك اخلاقي سويه سني ذره قدر اينديرمه مش، بلكه يوكسه لتمشدر. اوتاهاده Utah سنه لرحه اك بويوك عدليه مأموري اولان (ره)

دائماً مورمونلرک معناً وماده یوکسکلکری مدح ایدر ویدردی که : مورمون قادیلرینک اکثریتله مسعود اولدقلری وخیاتدن ممنون بولندقلری دائماً اظهار ایتدکلری تصدیقه مجبورم .

۱۲ تموز ۱۸۴۳ ده (یعنی سکسان برسنه اول) ژوزف سمیت ، تعدد زوجاتی تأسیس ایدن مشهور وحینی! آلمشدر . بووچی ، آرزوسی اوزرینه اولومندن صوکره علنیته قومشدر . (۱۸۵۲) بطریق وپاسلرک (استفراش) کله سنک عملی تصریفی کندی آرالرنده مضاعفه بابیله تطبیق ایتملرندن متأثر اولان ژوزف سمیت ، اللهه توجه ایتش وشو جوابی آلمش « ابراهیم کی یاپیکر . قانونله ویرلمش اولدقدن صوکره بر ارکک ، اون قیزله اولنسه زنا ایشله مز . چونکه قیزلر اونک مالیدر وبوخرکتی دوغریدر . »

خانی برایغام یانغ Brigham young فضلی وکالی سایه سنده مورمونلر اوزرنده بویوک بر نفوذ وصلاحیه مالک اولمشدر . حیات خصوصیه سی دینی حیاته موافق کچمشدر . غائله سنک اورتاسنده ۲۱ زوجیه سی صاحی و کله نک بوتون معناسیله سومی بر رئیس ومشفق بر بابا اولمشدر . بو ازدواجلردن ارککلردن ماعداد ۶۶ قیز دنیایه کچمشدر . ساده بر ایلک بهارده غائله سنی دوقوز چوجوقله زیاده لشدیرمشدر . کندیسک نمونه امثال اولماسی ایسته ین یانغ ، برکون وعظ ویریرکن جوشمش و : (چابوق اولنک باقایم . آرتق اون آلتیدن آشای اولنمه مش ارکک ، اون درتدن آشاییده قیز کورمه مه لی یم . » دیمشدر .

۱۸۵۰ سنه سی بیکلرجه یکی التحاق ایدنلرله (غره یه صولت لایق) شهرنده ۷ بیک اهالی وبوتون اوتاهاده ۳۰۰۰۰ نفوس موجود بولئویور . زراعت وتجارتده پک یولنده . بوسنه مک ۲۹ آغستوسنده ژوزف سمیتک ۱۸۴۳ ده تعدد زوجاتی تأسیس

ایدن وحی برایغام یانغ طرفندن مظنطن برصورته فوق العاده مراسم ایله اعلان ایدیلور . وحی ده ۲۶ ماده بولتمقده ، فقط بونک ۲۵ ی اعلاندنموجود . ۲۶ نجیسنک تمامیه کیزلی طوتولماستک سینی بر آز صوکره آکلایه جغز .

بوماده لرده ژوزف سمیت ، اوله تعدد زوجاتی حقلی کوسترمک ورسین ومتین برتمل اوزرنده تأسیس ایتک ایچون ابراهیم ، اسحق ، یعقوب ، موسی ، داود وسایمان (علیهم السلام) ی مثال کتیریور : ۱۳ نجی ماده : « الله ابراهیمه امرایتدی صوکره ساره ابراهیمه زوجه اولارق هاجری ویردی . امرالهی بویله الزام ایدیوردی . اونی بن ، الله ، امرایتدم »

۴ نجی ماده : « ابراهیمک مستفرشه لری واردی . اونلردن چوجوقلری اولدی . بوانی بر حرکت اولارق ضاییلدی . او (یعنی ابراهیم) صادقانه بن امرالهی ره رعایت ایتدی »

۴۴ نجی ماده : « اکر بر ارکک بر باکره ایله اولنسه وایلکنک رضاسیله بر ایکنجی یی آلق ایسته سه وایکنجیله ده اولنسه وبوهرایکیسی باکره اولوب کیمسه یه سوزلی دکسه لر بوارکک دوغری حرکت ایتش اولور . زنا ایله محکوم ایدیله مز . زیراهرایکیسی ده کندیسنه ویرلمشدر . واکر بوامرالهی موجبجه اوکا اون دانه باکره ده ویریلسه او ، زانی اولاماز ، چونکه اونلر ، اونکدر و او طریق مستقیمده در . »

بووچیک اعلانی ذاتاً تطبیق ایدیلن برتعدد زوجاتی تأیید ایدیوردی . عرف وعادته هیچ بر قاریشیق ووجوده کتیرمی . ساده مورمون اعتقادینک بر تکاملندن عبارت قالدی . فقط بوکوندن اعتباراً مورمون مخالفلری اللرینه مدهش برسلاح کچیرمش اولدیلر .